

Tabla di kontenido

| | | |
|--------------------------------|----------------|--------|
| Prologo | | Pag 3 |
| 1. Inosente. | 1980 | Pag 4 |
| 2. Mi tabata so. | 11-07-1982 | Pag 5 |
| 3. No ni un. | 11-07-1982 | Pag 7 |
| 4. Pakiko? | 11-07-1982 | Pag 7 |
| 5. 20 aña pasá. | Sèptèmber 1982 | Pag 8 |
| 6. Nifikashon di Pasku. | Desèmber 1982 | Pag 10 |
| 7. Usa mi. | 14-04-1983 | Pag 12 |
| 8. Fuerte manera un palu. | 07-10-1985 | Pag 12 |
| 9. E krus. | 22-04-1984 | Pag 13 |
| 10. Bo ta sintí bo sin pas? | 13-08-1984 | Pag 14 |
| 11. Mi mihó Amigu. | 15-09-1984 | Pag 15 |
| 12. Un plegaria | 29-09-1984 | Pag 16 |
| 13. Mi ke bria. | Òktober 1984 | Pag 17 |
| 14. E simia di Amor. | 13-02-1985 | Pag 19 |
| 15. E pòchi di klei. | 06-04-1985 | Pag 20 |
| 16. Ta Dios Su man ta guia | 12-07-1985 | Pag 21 |
| 17. Mi orashon. | 21-10-1985 | Pag 22 |
| 18. Dios misericordioso. | 31-12-1985 | Pag 23 |
| 19. Leu for di kas. | 04-04-1986 | Pag 25 |
| 20. E rosa. | 19-04-1986 | Pag 27 |
| 21. Stimashon. | 27-06-1986 | Pag 28 |
| 22. Despedida di un pastor. | 13-12-1986 | Pag 29 |
| 23. Despedida di un mama. | 13-12-1986 | Pag 30 |
| 24. Halturanan deskonosí | 02-05-1987 | Pag 31 |
| 25. Stimashon bèrdadero. | 25-10-1987 | Pag 32 |
| 26. Danki. | 02-11-1988 | Pag 34 |
| 27. Dediká na mi primogénito. | 14-03-1989 | Pag 35 |
| 28. Hesus ta bibu awé. | 14-04-1990 | Pag 37 |
| 29. Dediká na mi Argentino. | Mei 1992 | Pag 39 |
| 30. Dediká na mi prinsès. | 2003 | Pag 41 |
| 31. Ki marka bo ta laga atras? | 09-05-2009 | Pag 42 |

Mi trayectoria ku Dios!

| | | |
|---------------------------------|------------|--------|
| 32. E gritu di un hóben. | 08-06-2009 | Pag 44 |
| 33. Tata. | 08-06-2009 | Pag 46 |
| 34. Machita. | 24-06-2009 | Pag 48 |
| 35. Matrimonio fundá riba amor. | 29-10-2009 | Pag 50 |
| 36. E maestro speshal. | 23-01-2011 | Pag 52 |
| 37. Selebrá bo logronan. | 30-01-2015 | Pag 53 |
| 38. Mishonero. | 18-09-2015 | Pag 55 |
| 39. E realidat di Pasku. | 06-12-2015 | Pag 57 |

Prólogo:

E material aki ta konsistí di 40 ménos 1 poesia den un periodo di 35 año.

Tabatin periodo ku mi a skirbi hopi i algun añanan di silencio. Tin tambe poesianan ku mi a skirbí ku mi no tin nan fechanan registrá i otronan ku mi no a organisá ainda.

Esaki ta un soño ku a bira realidat. Dios a bendishoná mi ku e abilidadat pa skirbi.

Mi tabata pone mi pensamentunan i sentimentunan riba papel for di mi hubentut.

For di mi 15 año e deseo pa skirbi buki a kuminsá kima. P'esei mi tabata nota tur

loke ta pasa den mi bida i tambe bendishonnan risibí for di Dios Su palabra.

I semper Dios a keda primi riba mi kurason: "Mimi, skirbi buki".

Mi a skirbi e promé poesia den e buki aki ku mi 17 año. I asina durante di e añanan mi a sigui skirbi.

E buki ta titulá : "Mi trayectoria ku Dios." Pasobra lesando e poesianan bo por mira un liña ta kore indikando Dios Su obra den mi bida. Kon mi relashon ku Dios a krese i kon El a siñámi konos'É.

For di año 1990 mi a taip e poesianan ku nan fecha i a wardanan den un map.

Pero mi a sigui skirbi i warda nan. Ora ku kòmputer a bini na moda, mi a kuminsá hinka esnan nobo den kòmputer.

Na año 2001 Señor a bolbe primi riba mi kurason. "Skirbi buki." Na año 2010 Señor a sigui move mi pa skirbi. E no a laga mi keda trankil.

Na año 2013 ku mi ta tuma tempu pa kompilá i kuminsá publiká e obranan ku

Dios a laga mi skirbi pa añanan. Manera e poesianan aki, lèsnan pa skol di djadumigu, deboshonalnan pa mucha, tekstonan kompañá ku vèrsíkulo, estudionan pa damas i tambe traha riba mi outobiografia di mi eksperensia ku Dios durante di un periodo di malesa.

Dios bendishoná bo miéntras bo ta lesa e poesianan aki.

Miralda Paula Frans



Inosente

Mi ta sinti mi inosente.....
Pero apesar di esei mi ta pèrdí
Dikon???

Esaki ta e gritu desesperá di un hóben.

Bo no konosé Kristu komo bo Salbador,
Bo ta bibando den piká
Bo tin un naturalesa
Ku ta kontra esun di Dios.

Awor kiko mi mester hasi??


E kontesta ta mashá simpel
Bini na Kristu,
Asept'É komo bo úniko Salbador
Su sanger El a drama
Pa pordon di bo pikánan.

Mi ta felis, mi tin pas.....

I awor mi tin un berdadero Amigu,
Esaki ta e gritu felis.
Di un hóben ku a entregá su bida na Kristu.

Abo tambe por ta felis.
Entregá bo bida awe
Promé ku ta lat.

Outor: Miralda Paula –Frans 1980





Mi tabata so...

Mi tabata so.....
Riba un kaminda deskonosí.
Ni un hende ku por a komprendé mi,
i sabi di sinti ku mi
Tur loke ku m'a pasa aden.

Tabatin momentunan di goso.
Pero tur tabata pasahero
pasobra djis despues,
soledat a bolbe drenta,
Meskos ku un nubia pretu i spantoso.

Pakiko mester t' asina?
Pakiko tantu subi i baha?
Ai, e bida ta kansami.
Dikon mi no por kana règt?

Despues di hopi kana,
A parse meskos ku leu aya
klaridat tabata briando.
Mi a kamna mas lihé.
E klaridat tabata birando
kada bes mas grandi.





Kanando mi tabata topa sanger
E klaridat asina inmenso

Kasi a siegami
Ma tòg mi a sigui kana.

Na final di e kaminda
Mi no por a para mas.
Ta Ken e hende aki?
Riba un krus klabá?
Ku yen di amor ta bisa:
“Ta pa abo mi a hasié!!”

Aya mi a konos'É,
I awor E ta mi Salvador.
Mi kaminda awor ta largu.
El a duna mi un karga i un trabou.

Pa mi bai i konta otronan di DjÉ.
Pero tambe El a primintí,
Di ta semper huntu ku mi.

*Skirbí pa: Miralda Paula –Frans
11-07-1982*





No ni un

No tin amigu mas fiel ku Bo
No, no tin ni un
No tin un ku por komprendé mi
No, no tin ni un

Ken ta ku mi den mi soledat?
Ken ta ku mi den mi tristesa?
Ken ta ku mi den mi alegria?

Ta abo, ku ta mi úniko Amigu
Ta Abo ku ta semper fiel

No tin amigu mas fiel ku Bo
Nò, no tin ni un.

Skirbí pa: Miralda Paula –Frans

11-07-1982

Pakiko?

Pakiko Bo a stima nos?
Ni ounke kon mi purba pensa,
Mi no por komprendé.
O, Señor siña mi stima otro,
Meskos ku Bo ta stima nos.

Skirbí pa: Miralda Paula –Frans

11-07-1982





20 aña pasá...

20 aña pasá

Mi a wòrdu poní dilanti di un kaminda largu

Un kaminda asina largu,
ku a parse no tin fin.

No a keda mi nada mas,
ku kuminsá mi kaminata.

Ki prinsipio mas bunita
Bunita rosa i matanan.

Paloma blanku bulando rònt di mi
I trupial kantando bunita kansion.


Diripiente mi kaminda a dividí su mes.

Un ta mustra hanchu,
I e otro ta mas smal.

Awor ta kua mi skohe??
E hanchu ta parse bunita
Ni un baranka riba dje,
I bunita rosanan na kantu.

Esun smal ta hopi straño.

E piedranan a keda,
ma tras di kada un,
Bo por mira un krus bashí.





Un stèm a resoná:
E krusnan ku bo ta mira,
Ta Kristu nan ta representá.
El a muri na krus pa bo piká.
Awor bo por ta liber,
basta si bo entregá.

Einan pará m'a disidí,
pa skohe pa e kaminda smal.
Apesar di hopi piedranan,
Kristu tei pa yuda mi.
Despues di kada piedra,
Bunita flornan ta spera mi
Huntu ku kansionnan selestial.

For di dia ku mi a tuma e desishon,
Mi karganan a parse mas lihé.
Mi no tin duele di a skohe,
pa e kaminda smal.
Mi a skohe pa libertat,
Ku solamente den Kristu bo por haña.

*Skirbí pa: Miralda Paula –Frans
sèptèmber 1982*



Nifikashon di Pasku



Lukas 19:10 “Pasobra e Yu di Hende a bin
pa buska i salba loke tabata pèrdí.”

Ta Pasku;

Hopi hende den kaya.

Kayanan ta yen di lus dòrna.

Hopi preparashon ta ser hasí,
Nos kasnan, aparensa i barika.

Kumpra i Kumpra,
Bebida, paña i kuminda.

Laga nos gosa i bolbe gosa,
Ta un biaha so ta Pasku.

Ban balia i fiesta,
No tin mas 25 di desèmber.

Ki un tristu interpretashon di Pasku.

Si ta asina ta Pasku,
Anto no tin Pasku pa un pober,
Ku no tin sèn pa kumpra kuminda,
Kòrda pa nan dòrna kas.

Si ta asina ta Pasku,
Anto no tin Pasku pa esnan,
Ku ta drumi na kama,
Sin por bai fiesta pa gosa.

Nos no ta kòrda riba nan.
Tampoko pensa ariba e nifikashon di Pasku.
Kiko Pasku ta??
Akaso e ta fiesta, bistimentu òf bebementu?

Nò, Pasku no ta bistimentu.
Pasku no ta komementu.
E no ta pa un grupo so.
Pasku ta pa un i tur.

Pasku ta pa bo rekòrdá,
Ku e Yu di Hende esta Kristu,
A bin pa buska i salba loke tabata pèrdí.

Limpia bo kurason,
p'asina Kristu por nase aden.
Esei ta loke E ta deseá.

Pasku nota 25 di desèmber so....
Pasku ta tur dia!

*Skirbí pa: Miralda Paula –Frans
desèmber 1982*





Usa mi

Señor traha ku mi,
Manera ku un klei.
Formá mi di nobo,
I refiná mi manera oro.

Ya asina mi por tin e forma ku Bo ke.
I mi por ta útil pa Bo onor i gloria.

Usa mi manera un instrumènt,
Ku no por saka niun zonido,
Te ora ku tok'é.

Meskos ami, no por saka e zonido ku Bo tin pa mi,
Te na e momentu ku Abo usá mi.

Skirbí pa: Miralda Paula –Frans

14-4-1983


Fuerte manera un Palu

Mi kier ta fuerte,
manera e palu ku tin su raís.
Bon fundá te den e profundidat di e tera.
I ku ta duna su fruta na su tempu.
Asina mi kier ta.

Pa por tin mi raísnan di fe,
Mas profundo i bon ankrá den Kristu mi Señor,
I duna hopi fruta p'É.

Skirbí pa: Miralda Paula –Frans

7-10-1985





E krus

E krus di Kristu,
Símbolo di e Eterno i infinito,
Amor di Dios pa ku nos.
Hende débil i yen di piká,
Meresedor di morto i kondenashon.


Ma pa Su Divino amor tan grandi,
El a duna nos Su Único Yu.
Despresiando bèrguensa pa abo i ami,
Dunando nos bida na abundansha.

E Krus awor bashí,
Ta símbolo di triunfo,
Ariba nos último enemigo..... morto.

Morto ya no tin viktoría riba nos
Pasobra Kristu a triunfá.
El a vense morto pa abo i ami,
Por tin bida i esei na abundansha.

E prueba palpabel di nos Fe,
ta e graf bashí i e angel bisando:
“Kristo no ta aki, pasobra El a resusitá.
Bin i mira e lugá, kaminda e **tabata** drumí.”

Skirbí pa: Miralda Paula –Frans 22-04-1984





Bo ta sintí bo sin pas?

Bo ta sinti bo sin pas?
Bo ta sinti bo infelis?
O akaso bo ta sinti bo abati?
Dudando di e presensia di Dios?
Ta satanas ku ta purba na gañabo.
Pasobra Dios a primintí nos
Pas, felisidat i fortaleza.

El a priminti nos di keda serka nos!
No duda ningun momentu,
Di e presensia di nos Dios,
Tampoko di Su Divino pas.
No biba abase di bo sentimentunan
Pero biba ku e seguridat,
Ku solamente den Kristu bo por tin!

*Skirbí pa: Miralda Paula –Frans
13-08-1984*





Mi mihó amigu!

Señor mi ta yama bo danki,
Pa ta mi Único i Mihó amigu.
Tin hopi ku ta bisa, ku nan ta mi amigu,
Pero den e momentunan ku mas mi mester di nan,
No tin ni unu na mi lado.
Solamente Abo ta huntu ku mi,
Abo i ningun mas.

Danki pa no bandoná mi
Danki pa konsolá mi
Danki pa ekstendé Bo man,
Den mi momentunan di mas difisil.
I asina transformá nan,
den momentunan di kietut.
Pa asina mi por realisá mi mes,
Di Bo Santu i Bendita presensha.

*Skirbí pa: Miralda Paula –Frans
15-09-1984*






Un plegaria

Señor tene piedat di mi
Mi ta vil i baho
Mi ta peka konstantemente
Mi ta sunú Bo dilanti
I Bo konosé mi pensamentunan,
I mi deseonan.

O Señor grandi Bo ta.
Yudá mi pa mi por stima,mas ku ser stimá.
Sonreí, mas ku risibí sonrisa.
Yuda, mas ku ser yudá.
Skucha, mas ku ser skuchá.
Duna, sin speransa di risibí.
Bo meresé tur onor i gloria
Danki pa kontestá e orashon aki.

Skirbí pa: Miralda Paula –Frans

29-09-1984






Mi ke bria

Mi ke bria manera e solo
Ku ta duna klaridat durante di dia.
Sin solo, e dianan lo tabata skur,
Ma awor, ki inmenso klaridat,
Ku e solo ta duna nos.
Asina mi ke bria i duna lus,
Na e pober pekador.

Mi ke bria manera e luna
Manera un pèrta den anochi.
Mi ke bria manera e streanan,
Dunando lus den skuridat.
Asina mi ke bria i duna lus
Pa e mundu pèrdí por mira i rekonosé,
nan obranan pèrverso.

Mi ke bria manera Kristu
Ku a bini den e mundu aki.
Pa duna klaridat i habri wowonan
di pekadornan.
Pa mira nos kondishon di bida
Bashí i sin ningun nifikashon.
Te ora ku nos entregá,
nos bidanan na djE.




E solo, luna i streanan
Tur ta duna klaridat.
Ta hasi ku nos por mira
Atraves di e skuridat.
Kristu ta duna klaridat,
I ta hasi ku nos por mira,
Nos kondishon pekaminoso.

O Señor, yuda mi bria manera Kristu!

Skirbí pa: Miralda Paula –Frans

Òktober 1984



E simia di amor

Señor planta den mi
E simia di stimashon.
Siñámi muh'é ku orashon
I aliment'é ku Bo Palabra.

Pa e por krese
I bira un palu fuerte.
Siñá mi kompartí ku otro
Kada fruta risibí.
Siñámi soportá ku pasenshi
Kada sumpiña di e palu.

O Señor, Ata mi aki,
Dispuesto pa risibí,
E simia di amor.

*Skirbí pa: Miralda Paula –Frans
13-02-1985*





E pòchi di klei

Señor pa fabor mi ta roga;


**Mi ta un pòchi ku Bo a traha
Pa ser usá pa Bo onor i gloria.
Bo a formá mi maraviosamente,
I a pone mi kla pa ser usá.**

**Pero e dianan a pasa
I mi a desilushonábo.
E pòchi nèchi ku bo a forma,
A yena yen di stòf,
I a parse hopi inútil.**

**Ma den Bo amor eterno,
I ku masha hopi kuidou,
Bo a bolbe kohe mi, e pòchi tur na stòf.
Bo a limpia mi te ora ku mi a lombra,
I awor mi ta kla pa ser usá.**

Skirbí pa: Miralda Paula –Frans

06-04-1985





Ta Dios Su man ta guia

Ta Bo ta esun ku ta guia mi
Bo ta diriguí mi pasonan,
Bo ta kohe mi na mi man
I ta bisa: "Kana e kaminda aki."

Huntu ku Bo mi ta kana bon.
Tur kos ta mas bunita.
Mi ta kana bon i sigurá
Pasobra ta Bo man ta guiá mi.

Ora ku pa via di desobensha,
mi lòs mi man for di Bo,
Mi ta trompiká sigur sigur.

Umiyá i yen di duele
Ku nos kara abou na suela,
Mi ta bolbe rèk mi man
Pa alkansá Esun di Bo.

Asina nos mi rekonosé,
Ku sin Bo nada mi por.
I ku mi no ta kapas,
pa diriguí mi mes pasonan.

Yen di amor Bo ta tuma mi man
I ta diriguí mi,
Den Bo Santu boluntat.

Skirbi pa Miralda Paula –Frans 12-07-1985





Mi orashon

O, Señor mi no sa
Kon pa kuminsá
Mi plegaria
Nesesaria.

Bo ta Dios,
esei mi sa.
Bo ta fiel,
Mi ta rekonosé.


Pero ta kostámi
pa komprendè,
Ku Abo un Dios tan hustu
ta pordoná mi yen d' amor.

Alabes Bo ta lagámi,
Sinti bon i protehá.
Sabiendo ku Bo ta pordoná,
Ora ku mi no skonde mi inikidat.

Bo ta digno di ser halsá
Bo ta digno di ser alabá
I ta esei mi por ofreséBo.
For di mi lepnan tan agradesido

Skirbí pa: Miralda Paula –Frans

21-10-1985






Dios misericòrdioso

Bo misericòrdia ta pa sèmper.
Esei ta sigur.
Ora ku a parse ku pa kousa di piká,
Mi no por a sigui mas,
Bo bos mi a skucha,
Bisando yen di amor,
Ta pa abo mi a sufri.

Mi tabata manera un boto
Pèrdí den e laman inmenso.
Mi a grita pa ayudo,
Ningun hende pa salvá mi.
I Bo bos mi a skucha,
Bisando mi yen di amor,
Ta Mi ta diriguí bo bida.


Mi a sintími den un pos
Mi a sklama ku angustia.
Skuridat a rondonámi,
Skuridat di mi pikánan.
Asta aya mi a skucha Bo bos,
Bisando mi yen di amor,
Mi misericòrdia ta pa semper.





O, Señor, Bo misericordia ta pa semper
Nan ta nobo tur mainta.
Esei ta alimentámi,
Dunando mi forsa pa por sigui.
Mustrando mi ku siguridat,
Ku ounke kon kibrá mi ta,
Lo Bo no tirámi afó.

Skirbí pa: Miralda Paula –Frans
31-12-1985






Leu for di kas

Ki bunita ta pa nase di nobo
I drenta den e famia di nos Dios.
Un Tata nobo awor mi tin
Dios mes a primintí esei.

Konsuelo den tempu di angustia
I pas den inrankilidat.
Ayudo den nesesidat
I bon kuidá pa mi Tata selestial.

Pero un dia den mi ignoransia
Mi a disidí di bai foi kas.
Kumpliando ku boluntat di karni
I leu for di mi Tata stimá.

Angustia i temornan enbes dje dushi pas.
Tristesa i lágrima enbes di konsuelo.
Tristu, abatí i tur destruí,
Mi a disidí di regresá den brasa di mi Tata.





O, ki grato risibimentu!
Mi Tata tan stimá a ekstendé Su man
I a hala mi serka djÉ.
Sekando tur mi lágrimanan.

Kasi mi no por a papia
Su amor a rondoná mi.
Ku mi kara abou mi a suspirá
Tin pordon pa un ser tan destruí?

“Mi yu”: El a bisa
“Bo ta pordoná!
Hesus a paga e preis,
Pa abo por ta salvá i pordoná!”

Skirbí pa: Miralda Paula –Frans

04-04-1986





E rosa

Dia ku mi a nase di nobo
Manera un rosa mi a desea di ta.
Dunando semper un dushi holó.
I tratando di alkansá otronan pa Señor,
Ku un koló ku ta atraé.

Segun dianan tabata pasa
Mi a pone muchu atenshon
Na loke tabata aparensia.
Lubidando ku un rosa,
Ta risibí su bunita koló i su dushi holó,
Dor ku su raís ta bon kuidá i bon fundá.

Segun ku mi a traha, ariba aparensia
Bichinan a penetrá.
Bichi di piká a kome n'é raís.
I ami manera un bobo, ni sikiera a ripará
Te ora ku e rosa a pèrdè su koló.

Abo, O ruman,
No traha ariba loke ta aparensia.
I deskuidá e raís, ku ta bo kurason.
Mustra esei na e hendenan
I lo bo ripará ku sin nesesidat di palabra
Nan lo mira den bo,
E rosa di mas bunita
Ku ta Kristu Hesus, guiando bo bida.

Skirbí pa: Miralda Paula –Frans 19-04-1986





Stimashon

Simplemente 9 lèter,
Pero enserando un gran nifikashon.
No ta simpel palabranan di amor,
Tampoko solamente un sintimentu.

Stimashon ta duna i duna
Sin speransa di risibí.
Stimashon real ta sakrifiká
I asta pobresa e ta sobrebibí.

Mirando ariba Kristu Hesus
komo E gran ehèmpel di stimashon.
El a entregá Su bida na nos lugá
Risibiendo bofon i reproche enkambio.

Tuma Señor Hesus komo bo ehèmpel
I praktiká e stimashon real.
E stimashon ku no ta tum'é malu na kuenta,
ma ta kla pa pordoná.
E Stimashon ku ta sobrebibí
kualke tempestat.

*Skirbí pa: Miralda Paula –Frans
27-06-1986*





Despedida di un pastor

Ta difísil pa por enkontrá
palabranan pa ekspresá,
Nos gratitut i apresio
Pa e labor desplegá.

Bo luchanan i tormento
Ku bo a pasa aden,
Nos no por ni imaginá
Pasobra bo no a rebelá.


Bo fieldat na nos Señor,
Semper lo ta un empuhe
pa nos ku ta keda tras.

Un sonrisa bo tin semper,
apresar di tabata nabegando
dor di awanan inmenso i brutu.

P'esei awe nos ke bisa: “danki”,
danki na un bon pastor.
Bo presensia lo hasi falta,
pero e rekuerdonan lo permanesé.

Skirbí pa: Miralda Paula –Frans
Na okashon di despedida di Pastor Alejandro Martinus
13-12-1986





Despedida di un mama

Ki difísil ta,
pa tuma despedida
Di un mama tan stimá.

Rekuerdonan ta permanesé.
Kon nos por lubidá,
Su lepnan konsehando?
Kon nos por lubidá,
Su mannan di konsuelo?
Karisiando ku amor, den tempu di dolor?

Kon nos por lubidá,
Su orashonnan fervoroso?
Pidiendo Dios tur dia
pa salba tur su yunan?

Su sonrisa lo keda grabá.
Su pasenshi i ehèmpel,
Nunka lo ser lubidá.

Awor ku e ta den gloria
Ku Hesus a prepará,
Bo por tin e siguransa
Di mir'é un dia bèk.

Entregá bo kurason
Den man di Kristu nos Señor.
Lo bo sinti Su konsuelo
den e tempu di mester.

Skirbí pa: Miralda Paula –Frans 13-12-1986





Halturanan deskonosí

Señor e Dios Haltísimo,
Ki goso ta pa kana ku Bo.
Diariamente dependiendo riba Bo.
Konfiando ku tur siguridat
Ku Bo ta teniendo mi man
I ta guiando mi, na halturanan deskonosí.

Ku Bo, lo mi no tin temor,
Di loke e futuro por presentá.
Sabiendo ku mi bida,
ta den man di mi Señor.
Loke ku awe mi no por komprendé,
E mañan lo rebelá.

Den Kristu Hesus mi Salvador,
Mi bida ta bon sigurá.

*Skirbí pa: Miralda Paula –Frans
02-05-1987*





Stimashon Bèrdadero

Sèmper mi a pensa
ku amor ta un sentimentu.
Ku mi kurason mester a bati,
mas duru i mas purá.
Pa por ta sigur, di ta stimando.
Te ora ku Dios a siña mi otro.

Dios a manda bo den mi bida
Sin ningun batimentu di kurason.
Mi a siña kompartí ku bo.
Mi a siña soportábo,
I ta sumiso na bo.

Sin mi kurason bati mas pura,
sin un sintimentu straño.
Mi a siña aseptábo
Sin tuma bo malunan na kuenta.

Mi a siña tin pasenshi
I yuda bo tur momentu.
Te ku mi a bin ripará,
Ku bo ta parti di mi bida.





Mi ta dispuesto pa kompartí mi bida ku bo.
Pa sakrifiká mi deseonan pa esnan di bo.
I pa lucha ku bo den bon i den malu.

Gloria na Dios ku a siña mi stima.
Stima bo ku henter mi kurason.

*Skirbí pa: Miralda Paula –Frans
Dediká na mi futuro esposo Randolph Paula
25-10-1987*





Danki


Danki mi ke bisa
Na mi Tata Selestial.
Pa Su gracia i miserikordia
I tur bondatnan risibí.

Bo a manda rosanan
Masha bunita i ku bon fragansia.
Mi sa ku tur tur rosa
Ta kompañá ku sumpina.

Loke mi por a eksperenshá
Ta Bo Santu i Divino Grasia.
Ku semper bai ta suficiente
Den mi tempu di angustia.

Tata, mi djis ke bisa danki
Pa tur fabornan risibí.
Danki pa guia mi pasonan
tur e dianan di mi bida.

*Skirbí pa: Miralda Paula –Frans
02-11-1988*





Dediká na mi primogénito

E misterio di bo formashon
ta difísil pa mi komprendé.


I esei ta mas ku lógiko,
pasobra ta E Todopoderoso
Ta Esun ku ta formábo.

Siendo ainda asina chikitu
Tòg bo miembranan ta den,
Kompletu i konstante desaroyo.

Bon formá i kompon'é
Pa mannan di nos Divino Kreador.

Bo Mami i bo Papi
Ta bló ta soña ku bo.
Pensando ta kua nòmber
lo pas mihó pa nan tesoro.

Lo bo ta un mucha hòmber?
Òf lo bo ta mucha muhé?
Pero esei no ta importante,
Loke ta bal ta, ku bo tei!






Bo Mami i bo Papi
Ta ansioso pa mirábo.
Ku orashon nos ta bañábo
pa bo lanta ku stimashon
pa nos dushi Kreador.

Danki nos ke bisa,
na nos Tata Selestial.
E ta Esun ku a formábo
E ta Esun ku a guiábo.
I ta E ta Esun ku ta guia nos.

Skirbí pa: Miralda Paula –Frans
Dediká na mi primogénito: Joël Randolph Paula
14-03-1989






Hesus ta bibu awe

Ni maske kon mi sigui pensa,
Mi no por haña palabranan adekuá.
Nò, no tin palabra suficiente,
Pa por ekspresá mi pensamentu.

Wèl, mi sa ku Hesus ta biba, esei ta bèrdat.
E graf bashí ta e gran prueba di esei.
Pero ki palabranan mi usa
pa deklará ku esei ta un realidat?

Esaki ta e manera
Den kua lo mi ke ekspres'é.
Hesus ta bibu awe
Su graf ta bló bashí.

Sí! Hesus ta bibu awe!
Mira Su obranan tur rònt di bo.
Ta Ken ta Esun ku ta duna bida?
Mester ta unu ku ta na bida!





Ta Ken ta perkurá pa nos, den nos nesesidat?
Ta ken ta duna pas, meimei di kalamidat?
Ta Ken ta kontestá, tur nos orashonnan?
Mester ta unu ku ta na bida!

E hendenan ke mira, ku Hesus ta bibu awe.
E graf ta leu pa hopi di nan.
Pero Hesus Su obra den nos bida,
Por demostrá na mundu kompletu
Ku Hesus ta bibu awe!

Hesus ta bibu awe,
I E ke obra den bo bida.
Entregá bo bida den Su man.
I e echu ku E ta biba,
Lo ta pa bo un realidat diario!

SÍ, HESUS TA BIBU AWE!

Skirbí pa: Miralda Paula –Frans

14-04-1990





Dediká na mi Argentino

Dios nos trajo a Argentina
a estudiar la Palabra de Dios.
Y es aquí que Dios escogió
para que nacieras tú,
nuestro segundo hijo querido.

Nuestro anhelo,
es que nazcas súper bien.
Sabemos que así será
Porque es el Dios Todopoderoso
Quien te está formando.

Oramos por tu formación
en cada aspecto de tu cuerpo.

Dios es fiel, pues El
té hizo así como eres.
Él te formó estando tú en mi vientre.
Mientras papi i mami te acompañamos,
con mucha oración.





Pues hijo querido
Aun no sabemos si serás
varón o una nena.
Pero te esperamos con
mucha anticipación.
Tu hermanito ya sueña
El poder jugar contigo!

Juntos te cantamos
Y Juntos vemos tus movimientos.
Que a nosotros nos hace muy feliz.
Dios te bendiga mucho mi Argentino.
A Él sea nuestra eterna gratitud.

Skirbí pa: Miralda Paula –Frans
Dediká na mi Argentino: Jonatan David Paula
Mei 1992





Dediká na mi Prinsès



Bo nasementu mi yu presioso
Ta un regalo maravioso di Dios.
Ora nos a kere ku ya, no ta bin mas yu,
Dios a disidí di regalá nos..... abo!

Despues di 11 aña di silencio,
Niun yu chikí den kas,
ata mami na estado,
Anto di un yu muhé.

Ki alegria pa nos tur,
Un beibi nobo na kaminda.
Kashi , kama, tur kos nobo,
Pa spera yegada di nos prinsesita.

Dushi pa sinti bo movishonnan,
Un alegria pa skucha bo kurason,
Bunita pa wak bo riba schèrm,
Nos yu muhé, un regalo di Dios!

Skirbí pa: Miralda Paula –Frans

Dediká na mi prensès: Yairah Grace Miralda Paula

2003



Ki marka bo la laga atras?



Un Muhé ta karakterisá pa ta:

balente, luchadó, tierno, komprensivo, yen di amor,
dunadó di konseho, skuchadó, sufridó den silencio.....

E por hari ora e ta tristu, disimulando asina
su bèrdadero sentimentu.

E ta duna, maske e no tin nada, ounke sea ta un
sonrisa òf un konseho.

E ta skucha i mas ku skucha e ta komprendé
bo dolor i ta muestra empatia.

Su amistad ta sinsero i maske por pasa añanan
i tin un separashon pa motibu di distansia,
su kariño
i amistad ta keda meskos.

Muhé por edifiká un hogar ,
un pueblo , si asta un nashon.

Pero tambe muhé tin kapasidat pa odia,
rabia, envidiá,
kibra i basha abou.

E por basha un amistad abou, i sigui
su mes deseonan egoista.

Sí, e ta kapas pa kibra asta un matrimonio ku su astusia.

E por ta asina arogante i tene hende na un distansia.



Ki marka bo la laga atras?

E por basha abou e balor i amor propio ku un yu tin,
simplemente ku palabranan kòrtante
i penetrante i asina kibra un yu,
un hogar un barío i un nashon.

Ki marka abo ke laga atras komo muhé ?????
Esun ku a edifiká òf esun ku a destruí.

Kiko ta e tèstimonio ku bo bida ta duna???
Kiko ta e ehèmpel ku bo ta laga atras
i mas ainda ku bo yunan lo eredá for di bo???

Ohalá ku nos tur lo ta manera Dios ke pa nos ta
lagando un fragansia dushi di un
ehèmpel digno di ser siguí
i digno di ser komentá.

Ohalá ku proverbionan 31:28-31
lo ta realidat den nos bidanan.

“Su yunan ta lanta i ta yam’é bendishoná, su esposo tambe,
i e ta gab’é bisando: “Tin hopi yu muhé ku a hasi bon,
ma abo ta surpasá nan tur.”

Ser atraktivo ta engañoso i bunitesa ta banidat,
ma un muhé ku ta teme Señor esei lo wòrdu elogiá.
Dun’é di e fruta di su mannan, i laga su mes obranan
gab’é den e portanan di e stat.”

Skirbí pa: Miralda Paula –Frans

09-05-2009





E gritu di un hóben

Mi ta un hóben, guiámi,
Maske ta parse ku mi no ke tende.
Mustrámi e kaminda ku mi mester kana,
Mi tin mester di bo guiansa.

Mi ta un hóben, skuchámi.
Hopi biaha bo ta bisa ku mi no ta konta bo nada,
Pero ta pasobra ku bo no ta keda ketu un ratu
I duna mi e oportunitat pa desahogá.

Mi ta un hóben, no krítikámi.
Kisas mi manera di bisti i mi manera di komportá,
No ta manera ku bo ta spera di mi,
Pero ku hopi amor i kompreshon
lo bo logra muchu mas.





Mi ta un hóben, no mustra dede riba mi
Mi sa ku mi sa tuma desishonnan robes.
Mi sa ku hopi bes mi ke sigui mi mes kaminda,
Pero si bo duna mi bo man lo mi tum'é i avansá.

Mi ta un hóben, kana banda di mi.
No pusha mi pa mi kana, ounke ta parse ku mi so ke bai,
Pero mi tin mester di bo kompania i sosten.
Kana banda di mi ku hopi amor i kompreshon.

Skuchámi , mi ke tende bo konseho.
Komprondémi ,mi ta parse difísil pero tòg mi ta fásil.
No laga mi lòs! Ounke mi ta parse rebelde,
mi tin mester di bo.

Duna mi hopi amor, mi tin mester di dje.

Mi ke logra, mi ke avansá pero...
kana banda di mi.

Skirbí pa: Miralda Paula –Frans 08-06-'09





Jata,

Mi no sa , si bo mes ta realisá.....

Mi no sa si bo ta konsiente,

Di e responsabilidadat grandi ku Dios a pone riba bo.



Kreá segun e imáhen di Dios mes.

Bo ta esun ku ta na kabes di e famia.

Na kabes ku un mishon grandi :

Pa stima, duna direkshon, guia i sea un ehèmpel.

Duru manera bo ta aparentá,

Fuerte manera tur hende ta spera di bo,

Esun ku por tur kos manera bo yunan ta pensa,

Esun ku ta duna seguridat den peliger

manera henter e famia ta spera.

Ma niun hende no por ni imaginá

Ku den e profundidat di e ser ei

Ta skonde un persona

ku tin mester di un orea pa skuch'é.

Un kurason pa sinti su dolornan,

sin nesesidat di palabra.





Pasobra e tata ei, duru, fuerte i kasi invensibel
Den wowo di su famia,
Ta simplemente un ser humano
Ku no ta konta fásilmente, e dolornan di su kurason.

Su boka ta duru, pero su bida ta demostrá tur kos.
Ku djis un tiki di sabiduria
Ku djis un tiki di amor i kompreshon.
Abo komo su yu òf su esposa,
Por alkansá e profundidat di e ser tan speshal aki.

P'esei si bo ke disfrutá di bo tata su amor tur dia
Anto yunan, boso obedes'é.
Esposanan , boso someté na dje.
Pasobra hasiendo asina lo bo disfrutá tur dia .
Pasobra e tata aki lo duna, e esposo aki lo duna,
Ku bo hèmber lo yena te basha afó
i yena e komunidad.

Skirbí pa: Miralda Paula –Frans

08-06-2009





Machita;

Ta difísil pa laga lòs,
Ta difísil pa entregá
Ta difísil pa despedí.



Mi no sa kua ta mihó,
Si ta diripiente i inesperá
E despedida ta presentá
Òf ku mester pasa henter e proseso.

Un kos si ta sigur,
Despedida ta indeseabel,
Despedida ta duru
Despedida ta hasi dolor.

Machita, serka bo nos a siña hopi
Un mama ku semper tei.
Un mama luchadó pa su yunan,
Un mama ku no ta yora fásil dilanti di su yunan.





Un mama ku a duna amor,
Un mama ku no sa entregá,
Un mama amabel i dushi,
Un mama ku a traha dam pa warda awa.

Awor den bo biehes
Bo a siña mi muchu mas.
Mi a siña balorá, bo inmenso trabou di mama.
Ku bo a hasi ku un dedikashon asina grandi.

Dios a pèmití nos pa kuida bo,
Pa duna bo kariño i amor,
Pa kanta, hari, lesa Beibel i hasi orashon,
Òf simplemente sinta silensioso band'i bo.

Sin nunca bo a keha, pero semper koperá.
Ki un gran ehèmpel di un mama tan speshal.
Mi ta asina gradesido na Dios,
Ku a pèmití nos tin bo, nos Machita stima.

Sintá na kama di mi mama.

Skirbí pa: Miralda Paula –Frans. 24-06-2009





Matrimonio ta fundá ariba amor.



Amor ta: stima otro sakrifikalmente.
Duna sin speransa di risibí.
No spera nada en kambio pa ora bo no risibí
Bo no keda desapuntá.
Si tur dos duna, ta tur dos ta risibí.

Amor ta: kompartí i komuniká,
Ta simplemente dor di laga sa
kiko i kon bo ta sinti,
e otro persona por sa kon pa komprendé bo
i kon pa trata bo.

Amor ta: papia sèmpèr e bèrdat ku otro.
Esei ta e fundeshi pa konfiansa.
Sea sinsero i no skonde nada,
Pasobra deskonfiansa plantá,
Lo krese i haña rais i ta difísil ranka.

Amor ta: no bai drumi sin drecha asuntu.
Boso a diskutí, Tabatin rabiamentu?
Ta kosnan ku por sosodé, pero
Regla e asuntu promé ku bo pega soño.
Sera bo página di dia ku un pordon i un kariño.





Amor ta: habri bo página di bida tur dia
ku un blachi limpi.

No keda kòrda dolornan i ofensanan di pasado.
Duna otro un oportunitat pa bolbe kuminsá.
Pordoná i lubidá i no tira nada na kara di otro.

Amor ta: Kompartí legria i tristesa.
Boso ta amigu un di otro, p'esei pasa mas tantu
Tempu pusibel huntu, I kompartí tur kos.
Esei lo hasi ku boso lo krese mas serka otro.

Finalmente, no lubidá di Dios den boso relashon.
Boso ke un matrimonio ku lo dura?
Anto pèrmití Dios ta sentral den boso matrimonio.
Esaki ta e garantia pa un matrimonio felis i duradero.

Skirbí pa: Miralda Paula –Frans.

29-10-2009





E maestro Speshal!

E maestro komun tin wowo
pa mira eror den gramátika òf matemátika.
E maestro speshal tin e mirada profundo,
pa detektá e nesesidat emoshonal di e alumno.


E maestro komun tin oido pa skucha
palabranan negativo pronunsiá.
E maestro speshal tin e oido profundo,
pa komprendé loke e alumno ta bisa realmente
ora ku e bisa bo:”mi no por”.
Ta su invitashon pa yudansa.

E maestro komun ta instruí lèsnan ku su boka.
E maestro speshal ta usa su lepnan
pa papia e lenguahe di amor i komprehshon.

E maestro komun ta usa su brasanan
pa e mustra na bòrchi.
Pero e maestro speshal ta usa su brasanan
pa duna un abraso di
Kompañerismo, apoyo i komprehshon.

Skirbí pa: Miralda Paula –Frans.

23-01-2011





Selebrá bo logronan!

CELEBRATE!

Logronan den bida, sigur ta pa selebrá,
Mas ainda e logronan, hasí den Señor.

Hasí ku sakrifisio dia i anochi,
Semper esforsando
Pa alkansá e meta.

Pasenshi na lugá di baha brasa,
Perseveransha apesar di kontratempu.

Konfiansa ku Dios lo obra,
Maske bo no ta mira niun salida.

Fe den Dios Haltísimo,
Ku ta semper fiel
Pa kumpli Su promesananan.

Logronan hasí den Señor?

Eseinan ta permanesé!

Pasobra Señor ta wak

i ta rekompensá

Nos esfuerzo i nos fe.





Sea firme i konstante
Sirbiendo Dios ku alegria
I sa esaki bon
Bo trabou den Señor no ta pòrnada.

Tin motibu pa selebrá
Tin motibu pa gradisí
Tin motibu pa halsa Dios
I bisa ku bos duru:
Ta Dios t'e Esun ku a hasié!

1 kor 15:58

Skirbí pa: Miralda Paula –Frans
30-01-2015





Mishonero.

Señor ta yama:

“Ken lo Mi manda I ken lo bai? ”

E hóben mishonero a kontestá:

“Atami aki Señor, manda ami. ”

Sin sa kiko ta sper'é,

simplemente un gran deseo pa sirbi Dios
a kima den su kurason.

Mishonero, Na unda lo bo bai??

Kaminda Bo manda mi, O mi Dios.

Kiko lo bo kome?

Loke ku Tata proveé, O mi Señor.

Kiko lo bo bisti?

Mi no tin mester di hopi, O Señor

Pero tin hopi ruman a primití yudansa.

E Mishonero a sali bai,

I kiko el a enkontrá?

Hopi rechaso serka e pueblo.

E sustento ku rumannan a primintí??

Mashá poko tabata fiel pa kumpli.

I kiko tabatin riba su mesa???

Hopi biaha, un lista di preokupashon.





Pero den su kurason
Tabatin un gran goso tabata reina.
Pasobra e ta kumpliando
ku e yamado di Dios pa su bida.
Proklamá e evangelio na tur kriatura,
Sí esei ta su deseo.

Meimei di tur su pruebanan,
e mishonero a bolbe tende e yamado.

Ta Señor ku ta yama bisando:
“Ken lo Mi manda I ken lo bai? ”
E mishonero a kontestá sin duda:
“Atami aki Señor, manda ami. ”

Pasobra e gran deseo pa sirbi Dios,
awor ta mas grandi i mas ferviente.

Si Señor, mi ta kla pa bandoná mi mes deseo,
pasobra Abo a bandoná Bo gloria
Pa nos por haña salbashon.

Skirbí pa: Miralda Paula –Frans

18-09-2015





E REALIDAT DI PASKU



Pasku ta bin i Pasku ta bai.
Pa esun ku su enfoke ta robes,
Ya yanüari nan a lubidá,
I ta biba sperando un desèmber mas.

Emoshon ta bin i emoshon ta bai.
Pa hopi, Pasku ta goso. |
Goso den bistimentu, komementu i fiesta.
Asina nan ta biba, sperando un desèmber mas

Rekuerdo ta bin i rekuerdo ta bai.
Pa hopi e ta rekuerdonan tristu,
Di lasonan speshal
ku ta difísil pa laga lòs.

Desèmber ta bin i desèmber ta bai.
Ma pa esun ku sa e realidat di Pasku,
Tur dia ta Pasku p'é,
Selebrando nos Señor Hesus.





Pasku ta selebrá ku Hesus,
Siendo Dios a bira hende,
pa bin i muri pa e pekador.
Pa asina trese hende,
den **pas ku** Dios.

Pasku ta e regalo presioso
Di Dios pa humanidat.
Pa tur ku kere i aseptá Hesus,
Haña e derecho di bira yu di Dios.

Hesus Su invitashon ta tur dia habrí.
E ke bin biba den bo kurason.
Si bo aseptá su invitashon,
tur dia bo por selebrá Hesus,

Su naseментu den un pesebre,
Pas meimei di tormento,
Bida Eterno den shelu,
I Su permanensia diario huntu ku bo.

Skirbí pa: Miralda Paula –Frans
06-12-2015

